

Broj: 03-02-201/2017  
Sarajevo, 17.02.2022. godine

**PARLAMENT FEDERACIJE  
BOSNE I HERCEGOVINE**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primijeno: 17-02-2022			
Org. jed.	Broj	Priloga	Vrijednost
02-	02-	414	17

- Dom naroda  
gosp. Tomislav Martinović, predsjedavajući ✓

**VRLO HITNO**

**PREDMET: Izjašnjenje Vlade Federacije Bosne i Hercegovine o amandmanima na Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o amandmanima na Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje, koje su u Domu naroda Parlamenta Federacije BiH podnijeli: Aner Žuljević, delegat (3 amandmana), Klub delegata hrvatskog naroda (3 amandmana) i Žarko Vujović, delegat (3 amandmana)**, a koje je Vlada Federacije Bosne i Hercegovine utvrdila na 303. sjednici, održanoj 17.02.2022. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo zdravstva**



Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje, koje su u Domu naroda Parlamenta Federacije BiH podnijeli: Aner Žuljević, delegat (3 amandmana), Klub delegata hrvatskog naroda (3 amandmana) i Žarko Vujović, delegat (3 amandmana), Vlada Federacije Bosne i Hercegovine je, na 303. sjednici, održanoj 17.02.2022. godine, utvrdila sljedeće:

### IZJAŠNENJE

**o amandmanima na Prijedlog zakona o kontroli i ograničenoj upotrebi duhana, duhanskih i ostalih proizvoda za pušenje koje su podnijeli: Aner Žuljević, delegat, Klub delegata hrvatskog naroda i Žarko Vujović, delegat**

**AMANDMAN I – Delegata Anera Žuljevića i Kluba delegata hrvatskog naroda, koji glasi:**

U članu 2. stav (1) Prijedloga Zakona o kontroli i ograničenoj upotrebi duhana, duhanskih i ostalih proizvoda za pušenje dodaju se nove tačke 49) i 50) koje glase:

„49) **Duhanski proizvodi za pušenje** su svi duhanski proizvodi, osim bezdimnih duhanskih proizvoda.

50) **Nesagorijevajući duhan** je bezdimni duhanski proizvod koji se upotrebljava putem udisanja aerosola od zagrijanog duhana, bez sagorijevanja.“

### IZJAŠNENJE

#### Amandman se ne prihvata.

#### O b r a z l o ž e n j e

Predlagač ovog amandmana, delegat Žuljević ukazuje da se isti predlaže radi potpunijeg usklađivanja sa Direktivom 2014/40/EU Evropskog Parlamenta i Vijeća od 3. aprila 2014. godine o usklađivanju zakona i drugih propisa država članica o proizvodnji, predstavljanju i prodaji duhanskih i srodnih proizvoda i o stavljanju izvan snage Direktive 2001/37/EZ (u daljem tekstu: Direktiva 2014/40/EU). Navodi se da je definicija duhanskog proizvoda za pušenje sadržana u članu 2. stav 1. tačka 9) EU Direktive.

U vezi s ovim prijedlogom ističemo da se odredbe Direktive i Prijedloga zakona imaju čitati u ukupnosti. Prijedlog zakona sadrži definiciju duhanskog proizvoda, bezdimnog duhanskog proizvoda i ostalih duhanskih proizvoda. I definicija koja se predlaže, kao nova u tački 49) člana 2. Prijedloga zakona, direktno se veže opet za bezdimni duhanski proizvod, čime se onda ne može postići cilj amandmana, a čija je intencija izuzimanje određenih proizvoda od primjene ovog Zakona. U svjetlu odredbi Zakona, definicije koje su uvedene dovoljno su jasne. Uvođenje tačke 49) je suvišno jer su potrebne definicije već sadržane u tekstu Prijedloga zakona duhanskih i ostalih proizvoda.

Kada je riječ o prijedlogu za dopunu tačkom 50) u članu 2. Prijedloga zakona, predlagač ukazuje da je tekst zakona iz sedmog mjeseca 2018. godine. U Obrazloženju se ističe sljedeće: „U međuvremenu, od aprila 2019. godine na našem tržištu su prisutni nesagorijevajući duhanski proizvodi. Nesagorijevajući duhan, jedna od varijanti bezdimnih duhanskih proizvoda, je i od ranije